



UNIVERSITÄTS-
BIBLIOTHEK
PADERBORN

**R. P. Vincentii Brvni, Societatis Iesv, Meditationes, De
Præcipvis Mysteriis Vitæ & Passionis D. N. Iesv Christi**

Cum Veteris Testamenti Figuris, & Prophetijs, varijsque Documentis ex
quoque Euangelio depromptis, Nunc ex Italico in Latinum translata

Meditationes in Passionem Et Resvrrrectionem D. N. Iesv Christi

Bruno, Vincenzo

Coloniae Agr., 1599

VD16 ZV 2606

Meditatio 52. De custodia sepulchri Dominici.

[urn:nbn:de:hbz:466:1-59870](https://nbn-resolving.org/urn:nbn:de:hbz:466:1-59870)

*debemus, petra firmi constantisq; propo-
siti, nunquam eum offendendi, nec am-
plius cor nostrum patere debet mundo, sed
perseuerare debemus in sancto illius ser-
uitio.*



MEDITATIO

QVINQVAGESIMASECVNDA.

DE CVSTODIA SEPVL-
chri Dominici.

EVANGELIVM.

*Marc. 15.
Matt. 27.
Luc. 23.*



RANT autem Maria
Magdalena & Maria
Ioseph sedentes con-
tra sepulchrum, &
aspiciebant vbi po-
neretur corpus Iesu. Similiter mu-
lieres, quæ cum eò venerant de Ga-
lilæa, viderunt monumentum, &
quemadmodū positum erat corpus
eius.

eius. Et reuertentes, parauerunt aromata & vnguenta. Et sabbatho quidem si fuerunt secundum mandatum. Altera autem die conuenerunt Principes Sacerdotum & Pharisæi ad Pilatū dicētes: Domine, recordati sumus quia seductor ille dixit adhuc viuēs, post tres diē resurgam. Iube ergo custodiri sepulcrum vsque in diem tertium, ne fortē veniant discipuli eius & furētur eum, & dicant plebi: surrexit à mortuis, & erit nouissimus error peior prior. Ait illis Pilatus: Habetis custodiam, ite custodite sicut scitis. Illi autem abeuntes munierunt sepulcrum: signantes lapidem cum custodibus.

FIGVRA.

CV M audissent Philistæi Sam. Iudic. 16.
son intrasse urbem Gazam, ibiq³
dormire, circumdederunt eum positus
in porta ciuitatis custodibus.

PROPHETIÆ,

SCRVTATI sunt iniquitates, dese- Psalm. 63.
scrunt scrutantes scrutinio:

Foderunt

Psal. 56.

*Foderunt ante faciem meam foueam,
& inciderunt in eam.*

Psal. 9.

*In laqueo isto quem absconderunt, cō-
prehensus est pes eorum.*

Gen. 49.

*Requiescens accubisti vt Leo, &
quasi leana, quis suscitabit eum?*

CONSIDERATIONES.

I. Punctū.

CONSIDERA, cū iam adesset
nox, desolata mater simul cum di-
lecto suo Ioanne magno dolore, cordif-
que afflictione, deserebat sepulcrum, &
adorato sancto crucis ligno, in quo vita
reclinata fuerat, tota afflicta & mœsta
caro thesauro intra duos lapides relicto,
Ierosolymam regressa est, ibique in pa-
ne doloris & aqua lachrymarum in te-
nebris & luctu latebat, expectans donec
illi restitueretur lætitia, ex desiderata
præsentia sui vnici filij.

Vide, quomodo sanctæ illæ Mariæ,
quæ non erant adhuc ita confirmata in
fide resurrectionis, nescientes discedere
ex loco, in quo iacebat dilectus eorum,
stabant quasi in exstasi cum magna cō-
passione & amore plangentes, & aspi-
cientēs sepulchrum. Et quomodo po-
tuisset vnquam discedere illa inflamma-
mata Magdalena, p̄ntquam quādo oc-
cludebant saxo os sepulchri, fuit ibi si-
mul

DE PASSIONE DOM. 411

mul inclusus illius spiritus: Vnde non habens in se amplius vitam, in illo solo viuebat, & in ipso respirabat, deniq; iam appropinquante nocte coacta discedere, vt comitaretur sanctam Matrem, cogitacum quanto dolore lacrymisque recesserit, quantaque cum tristitia illud iter confecerint gementes & suspirantes: Mater sine filio, Discipuli sine suo Magistro, & singuli sine proprio corde, quia ibi erat relictum, vbi reliquerant suum carissimum thesaurum.

Considera, quod etiam postquam corpus Saluatoris esset inclusum sepulchro, non cessauerint maligni Iudæi persequi & calumniari illum tanquam seductorem, persuadentes præsidi, vt iubeat custodiri sepulchrū, putantes quod hoc modo possent impedire, & obscurare gloriam illius resurrectionis. O stulta sapientia hominum! quam bene dixit Propheta: *Defecerunt scrutantes scrutatio* o miseri, quò plures custodias, sigilla, & plus diligentia ponitis in custodiendo sepulchro Saluatoris, tanto plus redditis certam illius resurrectionē: tanto plus se manifestat ipsius virtus & potentia, & magis fides nostra fundatur: fecerunt foueam Saluatori, & ipsi inciderunt in illam, nam interim dum volunt abscon-

abscondere veritatem, illi ipsi testimonium veritatis fiunt: & interim dū quærunt tollere gloriam Christi, sua confusione illustriorem efficiunt.

Considera quomodo alio cum affectu, deuotæ mulieres astiterunt sepulchro, alio scelerati isti Iudæi, qui illum custodiebant; nam istæ ex amore & desiderio Iesu intendebāt: hi verò ex odio, vt eas separarēt à Iesu: Verum quoniam Saluator noster ipsissima bonitas est & amor, nec seipsum negare potest illis, qui vera cum pietate illum quærunt, accidit, vt hi timore repleti & confusione reiecti fuerint, istæ verò ineffabili consolatione repletæ, meruerūt resuscitatum videre, & sanctissimos pedes amplecti.

Considera quomodo sub modicum terræ se reclusit ille, quem comprehendere nō potest vniuersus orbis: Magnus ille Deus, amore nostri ita abbreviatus & paruus factus est, vt nos faceret magnos, & habitatores immensi cæli. Vide vt Saluator noster quiescat in isto sepulchro tanquam mortuus Leo, in apparentia & aspectu erat humilis & infirmus propter formā nostræ mortalitatis, verum fortis & terribilis propter formam diuinitatis. Hinc cum ita mortuus iaceret terrorem attulit inimicis, horrorem

rem morti, atque ipsum infernum spoliavit. Heu me si cum adhuc esset in sepulchro ita erat formidabilis, quid erit quando cum omnipotentia & maiestate sua veniet ad iudicium, ut sumas de inimicis suis vindictam!

COLLOQVIVM.

ROGABIS Beatam Dei Matrem, ut tibi à benedicto suo Filio impetret, quando quidem ille pro tuo amore se humiliavit ita, ut descenderet in ima terræ viscera, ut hoc exemplo tantæ humilitatis, taliter confundat tuam superbiam, ut in æternum te extollere, aut vili creaturæ præferre non præsumas. Et similiter tibi impetret, ut gratiam, quam semel per intercessionem suam & merita à Filio recepisti, eandem firmo constantique proposito, & diligenti custodia in te ipsa custodire, & conseruare ad finem possis.

DOCUMENTA.

1. **P**OST susceptionem corporis Domini in sanctissimo Sacramento, à distractione mentis nobis caueamus, & sedeamus cum Marijs perseverantes in oratione, & contemplatione Iesu, qui positus est in sepulchro nostri cordis.
2. Non erant contenta ista sancta mulieres.

lieres, quod Dominus semel fuisset unctus, sed ibant ut procurarent alia aromata ut denuo ungerent. Ita nos, si verè amamus Iesum, non erimus contenti illo, quod prestimus in ipsius seruitio, virtutibus huc usq; acquisitis, verùm conabimur progredi semper ulterius de virtute in virtutem. ☉

3. Si volumus custodiri Iesum, ita ut non tollatur ex anima nostra, ponamus custodiam ad portas nostrorum sensuum, ne per illos mors ingrediatur, & egrediat ex nobis Christus vita nostra.

4. Imitemur in benefaciendo diligentiam hominũ mundanorũ in malefaciendo: Non sumus cõtenti ut preseruemus nos à peccatis operum; custodiendo sensus exteriores; verùm etiam obfirmemus & custodiamus cor nostrum à malis cogitationibus & desiderijs, sicut Iudeis non satis erat apponere custodiam, sed adiungebant sigillum ad sepulchrum Christi.

5. Rogemus continuò Christum Dominum nostrum, ut sicut ipse fuit custoditus & obfirmatus in sepulchro, ita, postquam nos sanctissimi sui nominis impressione signavit, velit ut hoc sacrum sigillum custodiat & conseruet in nobis semper diuinum amorem, & similiter conseruet nos in suo perpetuo seruitio. Amen.